



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-159-8/22**
Datum: **05.07.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «BOS-KOM» d.o.o. Gračanica za donošenje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju betona u naselju Babići, grad Gračanica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «BOS-KOM» d.o.o. Gračanica daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju betona, izgrađenog u naselju Babići, na zemljištu označenom kao k.č. broj 2420/2 K.O. Babići, grad Gračanica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se tehnološke otpadne vode nastale u postupku spravljanja betona, pranjem procesne opreme i unutrašnjosti miksera prikupljaju u recirkulacioni bazen. Oborinske vode sa radnih i manipulativnih površina se odvođe na tretman u taložnik. Krajnji ispušt prečišćenih voda, preko okna za monitoring, je u Babićki potok.
 - 2.3. Da se, za vrijeme trajanja ove dozvole, obezbijedi da se oborinske vode sa radnih i manipulativnih površina odvođe na tretman u taložnik. Krajnji ispušt prečišćenih voda, preko okna za monitoring, je u Babićki potok.
 - 2.4. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte koji se koriste u svrhu prikupljanja, odvodnje i tretmana tehnoloških i ostalih otpadnih voda nastalih u krugu pogona (kanalizaciona mreža, slivne rešetke, taložnik...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Talog iz taložnika, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.7. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
 - 2.8. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).

- 2.10. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «BOS-KOM» d.o.o. Gračanica, dana 04.04.2022., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta pogona za proizvodnju betona, izgrađenog u naselju Babići, na zemljištu označenom kao k.č. broj 2420/2 K.O. Babići, grad Gračanica.

Dopisom broj: UP-1/21-3-40-159-2/22 od 12.04.2022. od Investitora je, u skladu sa članom 12. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), traženo da dopuni dokumentaciju, što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 032-0-Reg-11-001479 od 18.07.2011. izdatog od Općinskog suda u Tuzli,
- Ovjerena kopija Uvjerenja o poreznoj registraciji od 14.11.2002. izdatog od Porezne uprave FBiH-Kantonalni ured Tuzla,
- Dokaz o uplaćenju upravnoj taksi,
- Kopija Rješenja o upotrebnoj dozvoli broj: 06-23-02442-2011 od 12.03.2012. izdatog od Službe za prostorno uređenje, geodetske i imovinsko-pravne poslove Općine Gračanica,

- Kopija Rješenja o odobrenju za građenje broj: 06-23-3179-2007 od 16.01.2008., izdatog od Službe za prostorno uređenje, geodetske i imovinsko-pravne poslove Općine Gračanica,
- Kopija Rješenja o okolinskoj dozvoli dozvoli broj: 12/1-1-23-39283/16 od 04.05.2017. izdatog od Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: 04/1-11-21-39989/21 od 11.03.2022. izdatog od Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-568-4/16 od 20.02.2017. izdatog od «Agencije za vodno područje rijeke Save» Sarajevo,
- Kopija Ugovora o odvozu otpadnih fekalnih voda zaključenog dana 01.12.2021. sa KP «PPROGRES» a.d. Doboj,
- Kopija Računa za crpljenje i odvoz fekalnih voda specijalnom cisternom broj: 12097/2021 od 21.12.2021. izdatog od KP «PPROGRES» a.d. Doboj,
- Izvještaj o monitoringu kvaliteta i kvantiteta otpadnih voda pogona za proizvodnju betona „BOS-KOM“ Gračanica broj: 751/22, maj 2022., urađenog od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda pogona za proizvodnju betona „BOS-KOM“ Gračanica broj: 1660/21, novembar 2021., urađenog od «Inspekt-RGH» d.o.o. Sarajevo (na uvid),
- Dopuna Idejnog projekta prikupljanja i tretmana oborinskih voda broj: 06/8-205-3/16 od 22.07.2016. urađen od Rudarsko-geološko-građevinskog fakulteta Tuzla (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli broj: UP-I/25-3-40-568-4/17 od 20.02.2017., dopisom broj: UP-1/21-3-40-159-6/22 od 08.06.2022. godine zatraženo je od podnosioca zahtjeva da dostavi dokaz o izmirenim obavezama plaćanja posebnih vodnih naknada propisanu u tački 3. dispozitiva gore navedenog Rješenja.

Na osnovu očitovanja Službe za naplatu prihoda (vodnih naknada) od 04.07.2022. konstatovano je da je podnosilac zahtjeva «BOS-KOM» d.o.o. Gračanica izmirio sve obaveze po osnovu plaćanja posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-159-5/22 od 02.06.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pogon za proizvodnju betona izgrađen je u naselju Babići, grad Gračanica. Na predmetnom lokalitetu se nalaze sljedeći objekti: postrojenje betonare kapaciteta 30 m³/h sa silosom za cement, bunker za agregat, postrojenje za reciklažu betona.
- Oborinske vode sa radnih i manipulativnih površina se prikupljaju sistemom betonskih kanala sa rešetkom i kanalizacione mreže i odvođe na treman u taložnik. Preliv iz taložnika je u Babički potok. Vanjske radne i manipulativne površine su završno obrađene betonom.
- Otpadne vode od pranja mješalica za beton se prikupljaju u postrojenje za reciklažu betona proizvođača „FINING“ Gračanica tip: RFG12 kapaciteta 12 m³, i zatim vraćaju u proces proizvodnje betona.
- Snabdijevanje vodom za sanitarne i tehnološke potrebe je obezbijeđeno sa mjesnog vodovodnog sistema MZ Babići. Za korištenje voda i ispuštanje sanitarno-fekalnih otpadnih voda je od strane Ministarstva poljoprivrede, šumarstva i vodoprivrede Tuzlanskog kantona izdata vodna dozvola.
- Monitoring otpadnih voda se vrši redovno. U toku uviđaja na uvid su dostavljeni Izvještaji o monitoringu kvaliteta i kvantiteta otpadnih voda pogona za proizvodnju betona «BOS-KOM» Gračanica, urađeni od «Inspect-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i člana 15. Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «BOS-KOM» d.o.o. Gračanica, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-159-4/22 od 05.05.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- «BOS-KOM» d.o.o.
Babići bb, 75320 Gračanica
- AVP Sava, ISV-vodna knjiga
- sektor 50
- ☞ sektor 40 – arhiva
- oglasna ploča – AVP Sava